

Disputatio Logica
 D E
**NATURA AXIO-
 M A T U M,**

Quam

*Consentiente Amplissima Facultate Philosophica in illustri
 CHRISTINÆ Academiâ, qua Aboæ Fennorum est.*

S U B P R E S I D I O

Reverendi & Præcellentissimi V I R I,

D N . M . N I C O L A I N Y C O-
P E N S I S . Log: & Poës: Profess: celeberrimi, Me-
 cennatis & Præceptoris sui honoratissimi.

Liberalis Exercitij gratia, eruditorum censuræ submittit

Olaus Olai Figrelius O-Go-
 thiæ. Svecus.

*Ad diem 10. Aprilis, Anno 1652, in Auditorio Majors
 Horis & Loco consuetis.*

A B O E ,

Excudebat Petrus Wald/ Acad. Typogr. Anno. 1652.

Reverendo atq; Praclarissimo V I R O,

DN. M. BENEDICTO N. FIGRE-
LIO, in Gymn. Linc. S. S. Theol; Lectori ac Pastor i
in Scheda dignissi, Avunculo suo plurimum suscipiendo.

N E C N O N

Nobilissimo atq; Amplissimo V I R O,

DN. DANIELI N. L'Ehon & Zierna
de Söderbås &c. U. J. D. eximio, inclyt. Reip. Norcop.
Burgravio gravissimo, Avunculo suo etatēm de venerando.

I T E T

Reverendo, Clarissimo V I R O,

DN. NICOLAO E. Præp. ac Pastor i in Rapp-
stadh maximē industrio, Avunculo suo Charissimo.

Sicq; Filo Experientissimo & Clarissimo V I R O,

DN. EMUNDO N. FIGRELIO, in alma
Ubsaliensi Academiā Hist. Professori celeberrimo, Con-
fangvineo suo plurimum honorando.

I T E M

V I R I S Reverendo & Doctissimis,

DN. MAGNO Kneep / DN. DANIELI RAN-
Pastori in Srberga vigilantis- | ZOKIO, Nosocomij Linc.
fimo, Patruo suo venerando. | Pastor i benē merito, Parentū
Longe Charissime.

Sicut & reliquis Patruis, Consangvineis, Affinibus &
Amicis tuis, quovis honoris genere prosequendis.

Illis ut Mecceratibus, studiorum Promotoribus ac Benefacto-
ribus magnis; His ut Tutoribus, Parenti, Fautoribus
ac Amicis, hasce ingeniol i mei primitias in qualecum
gratitudinis re se pñjor Reverenter submisæ & officiose

D. D. D.

O LAUS FIGRELIUS
Author & Respondens.

Thesis I.

Naturam & constitutionem *Axiomatis* in genere & specie commodissimè ac breviter indagatur, initium capimus ab illius definitione, qua duplex existit: Nominalis & Realis; in illa sequentia nostra.

2. 1. *Etymologia*. Vocabulum *Axiomatis* duplicita habet notationem; Alij *Axioma* derivant ῥητή τε & ξιώ, quod sit dignū fide, atq; sic *Axioma* vi notationis, est pronuntiatum honorarium, cui propter manifestam rerum veritatē, fides merito sit habenda; ut, Nix est alba. Hæc sententia ita clara ac manifesta est, ut lucem aliam demonstrationis non requirat; Alij deducunt hanc vocem ab ξιώ, quod significat non tantum dignor, sed sæpe etiam censco, sentio, statuo, puto, judeo, sicut demonstrat Dounamus lib. 2. Log. c. 2.

3. 2. *Homonymia*. Vox *Axiomatis* accipitur bifasciam: 1. *Philologicè*, pro quovis honore ac existimatione, quemadmodum apud Rhetores sumitur. 2. *Logice*, idq; vel strictè, pro *Axiomate* necessario ac demonstrativo, quomodo hanc vocem accipit Aristoteles 1. post. Analyt. 2. text. 14. vel *Late*, ut hoc loco, pro qua vis oratione si ve vera sive falsa, sive necessaria, sive contingente. Unde juxta hanc significationem laxiorem Synonyma sunt, *axiomati*, *propositio*, *oratio*, *enuntiatio* & *interpretatio*. Enucleata ita breviter de initio Nominali, sequitur Reale.

4. *Axioma* est dispositio argumenti cum argu-
mento qua aliquid esse aut non esse judicatur.

3. In hujus Anatomia, notanda veniunt duo, scz.
Genus & Differentia. Generu vicem sustinet Dispositio-
qua voce simul involvitur formale axiomatis.

6. Differentiae sequentibus definitionis verbis indigi-
tatur, desumiturq; i. à Materia, quam constituant duo
argumenta inter se affecta: Omne enim Axioma duo
disponit argumenta, veluti causam cum Effecto, ignis
urit; vel Subjectum cum Adjuncto, homo est capax di-
sciplinae, vel Dissentaneū cum Dissentaneo, ut homo nō
est lapis &c. Ex sic dispositis argumentis, prius à Ramo
antecedens, posterius consequens: à Peripateticis v.
Subjectum & prædicatum appellantur. 2. à forma axiomatis,
qua consistit in legitima duorum argumentorum
dispositione factā per copulam. 3. à fine axiomatis, ob
quem argumenta disponuntur axiomatis, nempe ut
judicetur aliquid esse vel non esse: Nam ex axiomatis
cā dispositione dispalebit quid res sit, vel non sit, tum
essentialiter tum accidentaliter.

7. Absoluta definitione, ad Axiomatis Distributio-
nem festinamus; distribuitur Axioma vel secundum
generales affectiones, vel secundum species.

8. Secundum generales affectiones in affirmatum
& negatum, verum & falsum. Affirmatum est quando vinculū
affirmatur, ut homo est animal. Axiomatum Affirmati-
orum genera sunt duo. Primum, quando & copula
affirmatur, & uterq; terminus est positivus seu affir-
mans, ut homo est risibilis. Secundum, quando copu-
la quidem affirmatur, sed alterutus terminus est priva-
tio vel contradictoria negatio, ut Aēr est tenebrosus,
Homo est non lapis. In priori prepositione, prædicata-
rum est terminus privatus, in posteriori infinitus.

9. Sed objiciat aliquis dicendo, hoc axioma: He-
mo

mo; et il nō lapis, esse negatū; quia hic reperitur particula ne-
gativa. Verum & particulam negativam hic esse præ-
fixam non vinculo, sed prædicato, ideoq; axio[n]a non
esse negatum sed affirmatum.

10. Multū ergo refert an particula negativa præpo-
natur vinculo, vel eidē postponatur; si præponatur reddit
axioma negatū, ut homo nō potest peccare. Hic particula
non præponitur verbo potest, cui copula latet inclusa,
sicq; tollitur actus & potentia peccandi, & verum erit
in statu gloriae; Sed si postponatur vinculo, tum erit
affirmatum; E.g. Homo potest non peccare. Hic
tollitur actus, non potentia peccandi, & propositio hæc
vera fuit in statu integritatis.

11. *Negatum est quando vinculum negatur.*
Quod sit tribus modis. 1. Quando copula immediate parti-
cula negativa præponitur, ut homo nō est lapis. 2. Quan-
do negatio præponitur verbo cui implicatur copula, ut
Deus non derelinquit invocantes eum. 3. Quando uni-
versalis negatio statim in initio propositionis ponitur,
ut nullus homo est lapis.

12. Hinc nascitur Axiomatum contradictione, quando idem
axioma affirmatur & negatur. In contradictione vera,
duo probè sunt observanda. 1. Identitas materia, ut idem
sit axiomati contradictioniorum antecedens & con-
sequens, non solum quoad verba & voces, sed etiam
quoad rem & omnem respectum; E.g. Q. Homo est do-
ctus; Q. Homo non est doctus. Hic quidem contra-
dictione est quoad verba & voces, sed non quoad rem ipsam,
quia hæc axioma loquuntur de diversis subjectis.
Prius facit mentionem viri docti; Posterior autem in-
docti. Sed quando dico: Paulus est doctus; Pau-
lus non est doctus; vera est, contradictione. Nam idem

dem est subjectum & predicatum utriusq; axiomatis,
non solum quoad verba & voces, verum etiam quoad
rem ipsam. 2. Diversitas forma seu qualitat, ut sit ejus-
de axiomatis affirmatio & negatio, quod fit quando vin-
cultur quod in uno axioate affirmatur, in altero negatur.

13. Axioma verum est quod pronuntiat uti res est. Hic
animadvertisendum, quod in definitione, non fiat mens-
tio veritatis transcendentalis, quæ nihil aliud est quam
veritas conformis intellectui præterim divino; neq; ve-
ritatis moralis, quæ distinctius dicitur veracitas: Sed
veritatis Logica, quæ est convenientia sermonis cum
ipsa re, & dicitur alias veritas Instrumentalis & Di-
rectiva.

14. Attendenda insuper hic venit quæstio, Quando
Axioma verum pronuntiat uti res est? & Quando ejus-
modi argumenta conjunguntur, quæ per suam naturam
conjungi volunt, & disjunguntur, quæ disjungenda sunt:
Omnia enim dissidentia negando, sicut consentanea af-
firmando disponuntur.

15. Verum, est vel Contingens vel Necessarium.

16. Contingens quod sic verum est, ut aliquando possit
esse filsum, h. e. cuius veritas est inconsitans & mutabili-
lis, orta ex mutabili argumentorum inter se affectione,
dum inter se ita affecta sunt, ut & consentire & dissentire
re possint, ut Fortuna juvat audace.

17. Hujus Axiomatis iudicium dicitur Opinio; quia
axioma contingens est verum mutabiliter, mutabilis
autem rei non est Scientia sed Opinio, quæ est earum res-
rum, quæ necessariò ita se non habent, sed aliter aliquando
esse possunt; atq; ita deciperetur sua opinione, qui
semper idem de his sentiret.

18. Distinguitur vero Opinio in Certam & Incertam.

19. Opinio

19. *Opinio certa* est de veritate quidem contingentia.
Sed jam cognitā & certō exploratā in rebus præteritis &
præsentibus; v.g. Milo interfecit Clodium; Veritas hu-
jus propositionis nunquam fieri potest falsa, factum e-
num infectum fieri nequit. Sed contendat aliquis non
esse ergo Axioma contingentia. R. Est contingentia, quia
1. Prædicatum nō est essentiale subiecto, neq; ingreditur
essentiale ejus definitione. 2. Effectū hoc à mutabili causa
est profectum, quæ aliter potuisset agere; Milo enim pote-
rat interficere & non interficere Clodium; & insuper De-
finitioni axiomatis contingentis hoc addi deberet: Con-
tingens quod sic verum est, ut aliquando fallū esse possit
vel esse potuerit, atq; sic apparet quod sit contingentia.

20. *Opinio hæc certa* nititur duobus fundamentis.
1. Quod factum est infectum fieri nequit, ut Paris rapuit
Helenam. 2. Quodlibet dum est, eo ipso quod est ne-
cessere est esse: Hoc fundamento nituntur ea, quæ sunt de
rebus præsentibus, ut Homo disputat.

21. *Opinio incerta*, est de veritate futurorum conting-
gentium, quorum non est determinata veritas.

22. Sed notandum, futura contingentia posse consi-
derari duobus modis, 1. Respectu hominum, & sic per
naturam certō sciri nequeunt. 2. Respectu Dei, sic ve-
ritas futurorum est certissima, quia respectu Dei nihil
est futurum, nihil contingentia sed omnia præsentia.

23. *Necessarium quod semper est verum, nec falsum esse
potest.* h. e. cuius veritas est immutabilis & perpetua, orta
ex immutabili & perpetua argumentorum inter se consen-
tione vel dissensione, ita ut aliter se habere non possint.

24. Estq; vel Affirmatum vel Negatum.

25. *Affirmatum quando vinculum affirmatur,*
ut omnis homo est animal.

26. Axioma necessarium affirmatum ratione gra-
duum est triplex, scilicet παρά παρός, καὶ ἀντό, καὶ ὁμοίωτος. Axioma καὶ παρός sive de omni est quando
predicatum inest subiecto omni et semper, ut homo est ration-
bilis.

27. Requisita hujus Axiomatis sunt duo i. Universalitas subiecti, h. e. ut praedicatum attribuatur subiecto uni-
versaliter. 2. Perpetuitas temporis, i. e. ut praedicatum
attribuatur subiecto semper.

28. Axioma καὶ ἀντό sive per se est cuius pars inter se
sunt essentiales, vel a priori vel a posteriori.

29. Modi ejus duo sunt; Primus, cum praedicatum est
essentiale Subiecto a priori, h. e. Subiecti essentiam consti-
tuit, ut Homo est animal. Huc pertinent propositiones
sequentes i. Quando forma praedicatur de suo forma-
to, ut O. homo est rationalis. 2. Quando genus praed-
dicatur de sua specie, E. g. O. homo est animal. 3.
Quando definitio praedicatur de definito, ut O. homo
est animal rationale. 4. Quando membrum enuntia-
tur de suo integro, ut O. homo constat corpore & ani-
ma rationali.

30. Secundus modus est, cum praedicatum est essentiale sub-
iecto a posteriori, h. est, cum praedicatum fuit ex essentia
subiecti, ut homo est capax disciplinae. Huc pertinent
illae propositiones, in quibus adjuncta propria enuntian-
tur de suis subiectis, sive illa adjuncta sunt reciproca, sive
non, E. g. O. ignis est calidus. O. Homo sentit.

31. Axioma καὶ ὁμοίωτος seu universaliter prio-
rum est, in quo praedicatum de subiecto suo universaliter, per se
et reciprocè enuntiatur, ut O. homo est rationalis. Arg.
ejusmodi Axiomatum ita Catholicorum iudicium verissimum

prima

prima scientia est. Nam sicut Judicium Contingentium dicitur Opinio, sic Necessariorum Scientia.

32. *Axioma falsum est, quod non pronuntiat uti res est.* velut ratione veritatis una propositio dicitur Verior altera, quatenus una habet veritatem necessariam, alia contingentem: Ita differentia falsarum propositiōnum est in ratione possibilis & impossibilis³.

33. *Proinde Axioma falsum est Possibile vel Impossi-ble.* Possibile, quod sic falsum est, ut possit esse verum. Ut omnes homines ambulant. *Impossibile, quod sic falsum est, ut nū-quam possit esse verum,* ut Deus est injustus⁴.

34. Hactenus vidimus Axioma secundum generales affectiones divisum; Sequitur illius distributio secundū species: Secundum Species est axioma vel Simplex vel Compositum.

35. *Simplex est, quod verbi vinculo continetur.* In definito notandum, quod non dicatur simplex & πλως & absolute quasi omnis compositionis sit expers; Sed comparatē in respectu ad axioma compositum, quia in simplici axioma te est minor compositio, quam in composito. Definitio ipsa duplēcē habet conceptum, convenientiæ seu gen-ris, & inconvenientiæ seu differentiæ.

36. Generis loco ponitur *axioma*, quia in axiomate Simplici est dispositio argumenti cum arguento. Dif-ferentia his exprimitur verbis: *Quod verbi vinculo conti-netur.* Per hanc, distinguitur ab axiomate cōposito, quod vinculo conjunctionis continetur.. De verbi vin-culo notandum quod aliquando ponatur explicitè, ut ho-mo est animal; Aliquando implicitè, ut homo scribit.

37. Hic probē observandum quod omnia argumen-ta inter se affecta possint hoc axiomate disponi: Consen-tanea.

canes affirmando sicut dissentanea negando; exceptis plenis comparationibus².

38. Axioma simplex dividitur primo in Definitum vel indefinitum.

39. Axioma definitum est, in quo subjectum signo quantitatis aliquo est limitatum. Estq; vel Generale vel Speciale.

40. Generale quando commune consequens tribuitur communi antecedenti generaliter, Ut; O, homo est animal. Hujus requisita sunt tria 1. Ut antecedens sit commune omnibus inferioribus sub se conteatis. 2. Ut ipsum consequens sit commune, ita ut non de parte aliqua antecedentis, sed de omnibus subjectis enuntietur 3. Ut ipse attributionis modus sit universalis. Axiom. gen. signa sunt alia Affirmantia, ut omnis, quilibet, qui, cunq, &c. Alia Negantia, ut, Nullus, nihil, nemo, item adverbia, nunquam, nusquam, nullatenus³.

41. Huic axiomi generali contradicitur deobus modis. Primo Generaliter, ut O, homo est mortalis; N homo est mortalis. Secundo Specialiter, idq; vel per axioma particulare Negatum, si axioma generale est affirmatum; Ut Omnes homines sunt sani; Quidam homines non sunt sani; Vel per axioma particulare affirmatum, si axioma generale est negatum, ut, Nulli impij agunt poenitentiam; Quidam impij agunt poenitentiam.

42. Hic accurate notandum, quod contradictionis generalis non semper dividat verum à falso, sed utraq, contradictionis pars possit esse quandoq; falsa. Dividit verum à falso, quando materia est necessaria, seu quando altera contradictionis pars est necessariò verum. O homo est animal; N homo est animal. Non dividit verum à fal-

à falso, quando vel utrāq; pars contradictionis est axioma con-
tingens, ut O. homo est doctus; N. homo est doctus. Vel
axioma falsum & impossibile, ut O. animal est rationale; N.
Animal est rationale.

43. *Speciale quando consequens non omni antecedenti tribuitur.* Hic requiritur (1) ut modus attributio-
nis sit Specialis, ut consequens antecedenti Specialiter
attribuatur (2) ut antecedens sit Speciale, sive fuerit in
definitum & indeterminatum, ut in particulari, sive defi-
nitum ac determinatum, ut in proprio axiomate. Hie
contradictio semper dividit verum à falso h. e. in con-
tradictione speciali semper altera pars est vera, altera falsa
& de hac valet ea non: *Impossibile est duas contradictiones esse
simul veras aut falsas.*

44. *Axioma Speciale iterum est duplex: Particu-
lare & proprium.*

45. *Particulare, quando consequens attribuitur an-
tecedenti particulari.* Ejus signa sunt in duplice
differentia; alia affirmantia, ut, quidam, aliquis, pleriq;,
plerumq; interdum &c. alia negantia, non omnis, non-
nulii &c. Huic contradicitur generaliter, ut, aliqua cle-
mentia est laudanda; N. clementia est laudanda.

46. *Proprium seu singulare est, quando consequens
attribuitur antecedenti proprio, ut, fabulla est bella; cu-
jus negatio est contradictio. Fabulla non est bella. Nota rei
singularis est vel 1. Nomen proprium gramm. ut, Paus-
lus est homo. 2. Nomen commune cum pronomine de-
monstrativo, ut, hic homo est doctus. 3. Certa alicuius
rei descriptio, ut, Filius Mariæ est salvator..*

47. *Axioma indefinitum est, cuius subjectum nul-
lo quantitativo signo est affectum, ut, homo est capax*

disciplinæ. Hic non immeritò queritur quoniam sit referendum? Peripatetici illud ab universalis & particulari tanquam speciem distingvunt. Ramæi vero non distingvunt, sed aliquando ad universale, interdum ad particolare referunt, & ab utroq; specie distingvi negant.

48. Nos autem sententiam utriusq; familie ponde- rantes dicimus axioma indefinitum posse considerari duplíciter 1: *Notionaliter* & ratione signi, & sic vera est sententia Peripat. Tum enim est distinctum ab universalis & particulari, quia caret horum signis. 2. *Resliter* & ratione attributionis, atq; sic quoad rem non distingvitur ab universalis & particulari, sed in materia necessaria æquipolet axiomati universalis, ut: *Homo est animal*; in materia autem contingentí particulari, ut, *Homo est doctus*.

49. *Axioma simplex* Secundò dividitur in *Purum* & *Mo-
dale*.

50. *Axioma purum* est, cuius *predicatum* conve-
nit *subjecto* absq; modo. Dicitur alias *axioma abso-
lutum*: Ab Aristotele, *Propositio de in esse*, ut *Homo est
animal*.

51. *Axioma modale* est, quod modo aliquo est de-
terminatum. dicitur alias *axioma modificatum*,
item *axioma determinatum*. Estq; vel *Primariò* vel *Secun-
dariò* sic dictum.

52. *Axioma modale primariò dictum* est, quod u-
num habet ex his quatuor *solennioribus modis*, *Neces-
se*, *impossibile*, *possibile*, *contingens* &c. Necesse est hominem
esse animal. Possibile est Socratem disputare; Impossi-
ble est Deum mentiri; Contingit Alexandrum vincere
Dariu.n.

53. *Noctrina modalium enunciationum ut plenior reddatur, informari debet, vel per adverbia, Necesariò & contingenter; Vel per verbum, potest, & non potest: Sic Primum Axioma explanatius ita effertur: Homo necessariò est animal. Secundum, Socrates potest disputare; Tertium, Deus non potest mentiri. Quartum; Alexander contingenter vicit Dárium.*

54. *Axioma modale Secundariò dictum est, quod constat particula Exclusiva, Exceptiva, Limitativa & Comparativa.*

55. *Axioma exclusivum est, quod habet particulam exclusivam, cuiusmodi sunt, unus, unus, solum, tantum, duntaxat &c. ut, Solus homo est rationalis. Estq; vel Exclusivum subjecti vel prædicati.*

56. *Axioma exclusivum subjecti est, in quo particula Exclusiva determinat certum subjectum, & excludit à participatione prædicati, omnia alia subjecta; ut, Solus Deus est immortalis.*

57. *Axioma exclusivum prædicati est, in quo particula exclusiva determinat prædicatum, & removet à subjecto omnia alia prædicata; ut Diabolus tantum male agit, h. e. Diabolus nullam actionem quam malam profert.*

58. *Hic tenendum primò quod particulae exclusivæ nō excludant Subordinata & necessario connexa; Sed oppositaE. g. Ex hoc axiomate, Solus homo est rationalis, non licet ita inferre, Ergo anima non est rationalis. Sed optimè infertur Ergo bestia non est rationalis.*

59. *Secundò quod axioma exclusivum resolvatur in duo simplicia, alterum affirmatum, alterum negatum, veluti hoc: Solus homo est rationalis, resolvitur in hæc duo: Homo est rationalis; Et quod non est homo*

non est rationale. Hæc duo axiomata posteriora appellatur Exponentia, sicut Axioma exclusivum dicitur Exponibile.

60. Axioma Exceptivum est, quod modificatur particulâ Exceptivâ; cuiusmodi sunt, præter, præterquam, nisi, &c. ut, omne animal præter hominem est irrationale. Hujus axiomatis quatuor sunt partes. 1. Subjectum primarium, à quo fit Exceptio, ut animal. 2. Subjectum Secundarium, quod ab illo excipitur, ut homo. 3. Communne prædicatum, quod illi convenit, & ab hoc removetur, ut irrationale. 4. Particula exceptiva, ut hic, vicia, Præter.

61. Axioma Exceptivum resolvitur in tria axiomata simplicia: In primo, Prædicatum principale enunciatur de subjecto principali, ut, omne animal, quod non est homo, est irrationale. In Secundo, Subjectum principale enunciatur de subjecto Excepto, ut O. homo est animal. In tertio, prædicatum principale enunciatur de subjecto excepto, ut, N. homo est irrationalis,

62. Axioma Limitativum, est quod habet particulam limitantem & restringentem subjecti & prædicati connexionem; cuiusmodi sunt, quâ quatenus, in quantum secundum &c. ut, homo secundum animam est immotus talis. Estq; vel Reduplicativum vel Specificativum.

63. Axioma reduplicativum est, quando, particulae quâ quatenus, & similes causam cur prædicatum subjecto cōperat, indicant, & resolvi possunt, in quia, ut, ignis quatenus calidus, urit; h. e. quia calidus.

64. Axioma specificativum est, in quo particulae quâ quatenus, quoad, & similes, Specificationis modum indicant, juxta quem prædicatum subjecto convenient. Per modum intelligitur vel status rei, vel pars, vel conditio. Ut

Socrates quatenus habet capillos, est crispus: h. e. Secundum capillos. Homo quatenus habet nasum est simus h. e. secundum nascum.

65. *Axioma comparativum* est, quod ob terminos comparativos expositione indiget, ut; Nulla virtus est major charitate.

66. Comparatio est triplex i. Maximè *impropria* quando forma comparativi neq; rei minori & superatæ, neq; majori & Excedenti convenit, ut, furtum est melius raptu. Exponiturq; per formam seu qualitatem oppositam, hoc modo. Furtum est malum; raptus est furto peior^r 2. *Impropria*, ex parte, quando forma comparatione denotata rei solum excedenti convenit, ut Religio Lutherana est melior Pontificia 3. *Propria*, quando forma comparationis terti utriq; convenit, ut; Sol est major Luna; Et resolvitur in tria axiomata simplicia: Sol est magnus; Luna est magna; Luna magnitudo non est æqualis magnitudini Solis;

67. *Axioma simplex Tertio dividitur in Regulare seu Usitatum, & irregulare seu iniustitium.*

68. *Axioma regulare seu usitatum* est, in quo argumenta secundum usitatas disponendi regulas modo usitato disponuntur, quod fit quando contentanea affirmando & dissentanea negando enuntiantur, ut, Deus creavit mundum; Homo non est arbor. Estq; vel synonymous vel Paronymicum,

69. *Synonymous* est, in quo prædicatum *Synonymous* de subjecto *τοντινων* prædicatur, ut, Homo est animal.

70. *Paronymicum* est, in quo prædicatum *Paronymicum* de subjecto *παροντων* prædicatur, ut; Homo est risibilis. Hujus axiomatis tria sunt requisita; Primum requiri

ritur

titur ut prædicatum sit extra Essentiam subjecti. Secundum ut sit accidentalis subjecti & prædicati cohæsio. Tertiū ut accidental modo de subjecto enuncietur.

71. *Axioma irregulare seu inusitatum* est, quod ab usitatis disponendi regulis deflectit, ut quando duo disparata de se in vice n affirmantur, ut; Deus est homo.

72. *Axioma simplex Quartò est vel Proprium vel Figuratum.* Illud constat verbis proprijs, ut Nix est alba. Hoc constat vocabulis tropicis, ut, quando duæ res disparatæ de se in vicem per tropum affimantur, ut, Herodes est vulpes. Hæ sunt potissimum axiomatis simplicis divisiones. Succedit Axioma compositum.

73. *Axioma compositum est quod vinculo conjunctionis continetur.* Dicitur compositum à componendo, quia è pluribus simplicibus vi conjunctionis componitur. Unde alias dicitur axioma multiplex; Propositio conjuncta; item Syncedochicè Propositio hypothetica.

74. Hic notandum quod conjunctio sit duplex, alia interna & mentalis, quæ alias dicitur Conjunctio Logica; Estq; ipsa argumentorum in Axiomate composito cōpositio, h.e: vel copulatio, vel connexio, vel discretio, quæ conjunctio hic præcipue attenditur; alia Externa & Symbolica quæ est Logicæ conjunctionis nota, seu externum Symbolum, quò pertinent tum conjunctiones Grammaticæ, vel copulativæ vel connexivæ, vel disjunctivæ; tum particulæ relativæ; Ut ex sequentibus patebit.

75. Axioma compositūm pro ratione suæ conjunctio nis, est vel congregativum vel segregativum.

76. *Congregativum est, cuius conjunctio est congregativa.* Est autem conjunctio congregativa, quâ partes axiomatis tanquam simul vera congregantur non

quod

quod perpetuò simul veræ sint, sed quod ab enuntiantur sumantur ut simul veræ.

76. Axioma congregatiū est duplex: Copulatū vel conenū.

77. Axioma copulatum est, cuius conjunctio est copulativa. Conjunctio autem copulativa est congregativa, quā partes axiomatis tamquā simul veræ absolute, sine hypothesi & conditiōe copulatur, ut Christus est mortuus & resurrexit,

78. Conjunctio copulativa Symbolum est vel cōjunctio copulativa Grammatica quæ solet exprimi his vocibus: Et, ac, atq; etiam, que, quoq; simul, simulac, nec, vel Relatio Logica, ad quam referuntur particulae relativae 1. ratione qualitatis, ut: talis, qualis 2. ratione quantitatis, ut: quantus, tantus 3. ratione loci, ut: ubi ibi, quæ similem habent vim copulandi intentias cum Grammaticis.

79. Hinc duplex resultat axioma copulatum scilicet Propriè sic dictum & Analogicum.

80. Axioma copulatum propriè sic dictum est, cuius conjunctio est copulativa Grammatica, fitq; tribus modis. 1. Quando antecedens continet copulativam conjunctionem, ut: Cæsar & Cato equitant. 2. Quando consequens habet cōjunctionem copulativam, ut: Aristoteles ambulat & disputat 3. Quando & antecedens & consequens constant copulativa conjunctione, ut: Aristoteles & Plato ambulant & disputant.

81. Axioma copulatum analogicum est, cuius membra per particulas relativas conjunguntur, fitq; similiter in bus modis 1. quando membra copulantur particulis relativis 1. quantitatis, ut: Aristoteles tanto est dignior Socrate, quanto est doctior 2. qualitatis, ut: Qualis Dominus, talis servus. 3. Loci, ubi cadaver, ibi congregantur aquila.

82. De axiom. copulati veritate & falsitate si le qui tur Ramus: Verum enunciati copulati iudicium p. c. det

Ex omnium partium veritate, falsum saltem ex una falsa i. e. Axioma copulatum est verum quando omnes partes sunt verae; fallum autem quando in universum omnes, vel saltem una est falsa.

83. *Axioma connexum est axioma congregativum, cuius conjunctio est connexiva. Alias dicitur hypotheticum sive conditionale, ob hypothesis sive conditionem, quae hujus axiomatis est fundamentum.*

84. *Conjunctionis connexiva Symbolum est vel 1. conjunctio connexiva Grammatica, ut, si, si, ni, nisi, si-quidē, ut: Si Asinus volat, habet pennas. 2. Relatio Logica connexiva seu illativa & consequentia, qualis est relatio temporis, cuius notæ sunt, cum, tum, donec &c. itē ablativus consequentiam designans, ut: Mat. 24. Cum vides omnia ista fieri, tum scitote propè tempus adesse.*

85. *Asterisco notetur quod hujus axiomatis veritas & falsitas necessitas & contingentia judicari debeat ē terminorū sive antecedentis & consequentis connexione. Si enim connexio est vera, totum axioma est verum; Si falsa, falsum; Si necessaria, necessarium; Si contingens, ipsum quoq; axioma est contingēs E.g. Si Socrates est homo est quoq; rationalis. Hoc axioma est verum & necessarium, propter verā & necessariā antecedentiā & consequentiā connexionē.*

86. *Apprimē etiam hic attendendum est utrum propositiones rationales E.g. Sol lucet E. dies est. & causales, ut: Quia sol lucet dies est, recti referantur ad doctrinā axiomatum connexorum an Syllogismorum. Verū Resp. Propositiones rationales & causales recti referri ad doctrinā Syllogismorum: Nam 1. prop. rationalis est integrum Enthymema quando dico, sol lucet E. dies est, hic duas habeo propositiones, in quode est tantum una propositio ad integrum Syllogismum. 2. Causalis etiam rectissime refe-*

referatur ad doctrinam Syllogismorum; quia potentia est Syllogismus, in parte antecedente continetur argumentum tertium, in consequente questio, ex questione vero & argumento tertio faciliter conficitur Syllogismus:

87. *Axioma segregativum est, axioma compositum cuius coniunctio est segregativa.* Est autem coniunctio segregativa qua membra axiomatis tanquam non simili vera segregantur, ita ut uno affirmato, alterum negandum esse intelligatur.

88. *Axioma segregativum est vel discretum vel disjunctum.* *Axioma discretum est, cuius coniunctio est discretiva;* qua partes axiomatis non re ipsa & per se, sed ratione tantum, & certo respectu segregantur: Ut, ulla illis non est formosus, sed facundus. Itaque dissentaneis praincipiis diversa enunciata axiomata discretum:

89. Notae diversorum sunt: Quamquam, tamen; et si, tamen, licet tamen; Non sed. Sæpe etiam in axiomate discreto, notarum altera dissimulatur E. g., Nævus est corporis macula, illi tamen lumen fuit. Hic retinetur nota prior quamquam.

90. *Axioma discretum est verum, quando partes non solum verae, sed etiam discrete sunt seu sola ratione discentiunt.* Falsum autem quando utraq; vel alterutra pars falsa est, ut, quamquam Petrus est homo non tamen est animal. Hoc axiomata discretum est falsum, quia pars consequens est falsa.

91. *Axioma Disjunctum est, cuius coniunctio est disjunctiva.* Cujus notæ sunt: Aut, vel, sive, utrum, alius, fides &c. Disjunctum dicitur à disjungendo, quia membra hujus axiomatis disjungit, nec admittit illa simul vera esse. V. g: homo aut fide justificatur, aut eperibus; ideoque hoc axiomate enunciantur tantum opposita.

92. Ut autem disjunctionis veritas, falsitas, necessitas

& contingentia eò evidenter evadat, tenendum erit prò
bè quando axioma disjunctum est vel verum, vel falso, vel necessarium, vel contingens.

93. Axioma disjunctum verum est, cuius unicum tan-
tum membrum est verum E. g. aut Deo est servieundum,
aut Mammonæ; Falso autem quando vel omnia mem-
bra sunt falsa, ut; aut salvamur operibus à Deo mandatis,
aut ab hominibus excogitatis; Vel omnia membra sunt
vera, ut, aut salvamur gratiâ Dei, aut merito Christi, aut
verbo & Sacramentis aut fide justificantur.

94. Axioma disjunctum necessarium est, quando
partes sunt oppositæ sine medio; Ut anima rationalis
aut est substantia corporea aut incorporea.

95. Atq; hinc patet necessitatem axiomatis disjunc-
ti necessarij dependere è necessaria partium opposi-
tionē & disjunctione, non è necessaria earundem veri-
tate; Ut Absolon est bonus aut malus; Hujus disjunc-
ti necessitas non dependet è necessaria partium verita-
te, sed oppositione seu disjunctione.

96. Contingens cuius partes non sunt oppositæ sine
medio, ut cum vel utraq; pars possit esse vera, vel neutra,
propter medium aliud: E. g. aut uxor ducenda est for-
mosa, aut deformis; Est axioma contingens, quia partes
non sunt oppositæ sine medio, datur enim medium sc:
uxor forma mediocri prædicta.

97. Disjunction autem talis, sàpe est ex conditione & pa-
sto, quale est illud Leandri: aut amore potiar, aut moriar.
Ubi alterutrū decretum erat, licet neutrum fieri potuerit.

98. Atq; tantum de Nobilissima hac doctrina in præ-
sentiarum attulisse sufficiat.

Gloria sit Patri, cœli serregi Monarcha

Gloria sit Gno, F. amine sumq; Sacro.

Literatissimo & optima speci Juveni
D. O L A O O L A I FIGRELIO,
Oitrogortho, De Axiomate, in genere & in specie, doctè
atq; acute dissentiens

ARs Logica una docet rectè discernere verum.
Idq; instrumento præsertim apto diuina.
Quod nemo aptè adhibet, nisi qui quod, qualeq; quantū
Effatum quadvis, studio perpenderit acri.
Rectè igitur doctè hic tractas Axiomata, claro
Deq; illis multum dissertas Præside acutè
Laudo: Et si pergas, renovabis Figreliorum.
Inq; foro, inq; choro præclarum nomen. Id opto!

Hocce voto applausi
MICHAEL Gyllenstalpe
Wexionius J. D. & Prof. P.

INgenij vires prodis Doctissime O L A V E
Figreli, cordis portio magna mei.
Dum res subtile, Clari sub Praeside umbra,
Versas, ac scandis pulpita celsa rogar.
Gratulor ergo tibi; Voveo & tibi prospera qua via
Quo cursum absolvias atq; pugnare feras.

Amoris & honoris Ergo Lubens
apposuit.
MAGNUS PETREJUS Norcep: O.G.

Arduus est irames, virtutis, Es ardua semper
Per confragosum gloria vadit iter.
Est grave fortuna virtute extendere pennas;
Difficile est nebulis exsinguare caput.
Victoris Magnus labor est clare nomina seculis,
Ut decus eternum pnbulet atq; cluet.
Ergo Es fortis eris, cui cordi est inclita virtus,
Cui virtutis apex dulcis Es almus amor.
Hanc sequeris magno studio perdocte FIGRELLI
Quaq; juvans illam nocte dieq; colis.
Claresces igitur; Te gloria leta manebit,
Qua tuba non fricti clara laboris eris.

Ita intimioris amicitiaz testificande L. manu
licet occupatissima Dociss, Dn. Resp.
gratulari voluit.

SVENO CLODINUS O Gothus

Pleris dociles Phasis qui destinat annos,
Musarum clarijs invigitatq; libris;
Culmina Pieridum penetrabit, &c alta facella,
Horrebit numquam scandere Thespiaenum:
Impiger id praestas, blandis, exculte, Camoenis,
FIGRELLI, extmia non sine laude probet;
Ergo dabunt tandem te sic cultumq; politum,
Ut fias Gothicis, gemma corusca, soli,
Ita Literariss. Dn. Resp. amico & familiaris dilec-
tiss, adplaudere voluit.

JACOBUS B. Wellerius O Gothus.